



ՍՆԱՆԿՈՒԹՅԱՆ ԴԱՏԱՐԱՆԻ ԱՇԽԱՏԱԿԱԶՄ

0065, ք. Երևան, Օսյան փող. 53/2 շենք, հեռ.՝ (010) 74-28-90, snank@court.am.

ԴԴԱ-6 30808

22.06.2023թ.

ՍնԴ/0235/04/23

30 06 23

Նորայր Համլետի Խաչատրյան
/ՀՀ, ք. Երևան, Կոմիտասի պողոտա, 3 շենք, բնակարան 58/

Իրինա Ռուբենի Չալտիկյան
/ՀՀ, ք. Երևան, Արաբկիր, Կոմիտաս պող., 362., բն. 2/

Հրաչիկ Պավլիկի Ասատրյան
/ՀՀ, ք. Երևան, Մանուշյան փ. 16 տուն/

✓ Հրաչիկ Պավլիկի Ասատրյանի սնանկության գործով
կառավարիչ՝ Վահագն Դավթյան
/ՀՀ, ք. Երևան, Ֆուչիկի 27/5, գրասենյակ 30/

Ուղարկվում է Հայաստանի Հանրապետության սնանկության դատարանի
Հրաչիկ Պավլիկի Ասատրյանի սնանկության գործով պահանջների վերջնական
ցուցակը հաստատելու և պարտավորությունների առաջին ժողով նշանակելու մասին
22.06.2023թ. որոշումը:

Առդիր՝ «5» թերթ:

ԴԱՏԱՎՈՐԻ ՕԳՆԱԿԱՆ՝

ՀԱՍՄԻԿ ԳԵՎՈՐԳՅԱՆ



ՈՐՈՇՈՒՄ

Հայաստանի Հանրապետության սնանկության դատարան
Հրաչիկ Պավլիկի Ասատրյանի սնանկության գործով պահանջների վերջնական
ցուցակը հաստատելու և պարտատերերի առաջին ժողով նշանակելու մասին
<<22>> հունիսի 2023թ.

ք. Երևան

Հայաստանի Հանրապետության սնանկության դատարանի (այսուհետ նաև՝
Դատարան) դատավոր Ա. Բաբայանս, քննության առնելով ըստ դիմումի Նորայր Համլետի
Խաչատրյանի ընդդեմ Հրաչիկ Պավլիկի Ասատրյանի՝ վերջինիս սնանկ ճանաչելու
պահանջի մասին սնանկության գործով Հրաչիկ Պավլիկի Ասատրյանի նկատմամբ
ներկայացված պահանջների վերջնական ցուցակը և պարտատերերի առաջին ժողով
նշանակելու հարցը

Պ Ա Ր Զ Ե Ց

1. Գործի դատավարական նախապատմությունը

Նորայր Համլետի Խաչատրյանը 25.01.2023 թվականին դիմում է ներկայացրել
Դատարան ընդդեմ Հրաչիկ Պավլիկի Ասատրյանի՝ վերջինիս սնանկ ճանաչելու պահանջի
մասին:

Դատարանի (Դատավոր՝ Լ. Սաղոյան) 31.01.2023 թվականի որոշմամբ դիմումն
ընդունվել է վարույթ և սնանկության գործով ժամանակավոր կառավարիչ է նշանակվել
Վահագն Դավթյանը:

Դատարանի (Դատավոր՝ Լ. Սաղոյան) 01.03.2023 թվականի վճռով Հրաչիկ Պավլիկի
Ասատրյանը ճանաչվել է սնանկ:

Դատարանի (Դատավոր՝ Լ. Սաղոյան) 10.03.2023 թվականի որոշմամբ Հրաչիկ
Պավլիկի Ասատրյանի սնանկության գործով կառավարիչ է նշանակվել Վահագն
Դավթյանը:

Հայաստանի Հանրապետության սնանկության դատարանի դատավոր՝ Լ. Սաղոյանի
այլ դատարան տեղափոխվելու կապակցությամբ թիվ ՍՆԴ/0235/04/23 սնանկության գործը
19.06.2023 թվականին վերամակագրվել է նույն դատարանի դատավոր Ա. Բաբայանին և
դատավորի աշխատակազմին է հանձնվել 20.06.2023 թվականին:

Դատարանի 20.06.2023թ. որոշմամբ սնանկության գործն ընդունվել է վարույթ:

Հրաչիկ Պավլիկի Ասատրյանի սնանկության գործով կառավարիչ Վահագն Դավթյանը 29.05.2023թ. դատարան է ներկայացրել իր կողմից կազմված պարտատերերի պահանջների նախնական ցուցակը, այն պարտապանին և պարտատիրոջը ներկայացնելու վերաբերյալ ծանուցումը, www.azdarar.am ինտերնետային կայքում տրված հայտարարության տեղեկանքի օրինակը:

2. Միջնորդության հիմքերը, փաստարկները և պահանջը

Հրաչիկ Պավլիկի Ասատրյանի սնանկության գործով կառավարիչ Վահագն Դավթյանը 29.05.2023թ. դատարան է ներկայացրել իր կողմից կազմված պարտատերերի պահանջների նախնական ցուցակը, այն պարտապանին և պարտատիրոջը ներկայացնելու վերաբերյալ ծանուցումը, www.azdarar.am ինտերնետային կայքում տրված հայտարարության տեղեկանքի օրինակը:

3. Դիմումի քննության համար էական նշանակություն ունեցող փաստերը

Գտնում եմ, որ սույն դիմումի քննության համար էական նշանակություն ունեն հետևյալ փաստերը.

1. Դիմող՝ Նորայր Համլետի Խաչատրյանի կողմից ներկայացված դիմումը՝ Հրաչիկ Պավլիկի Ասատրյանին սնանկ ճանաչելու պահանջի մասին և կից ներկայացված փաստաթղթերը:
2. Նորայր Համլետի Խաչատրյանի կողմից 20.03.2023թ. ներկայացված պահանջը և կից փաստաթղթերը:
3. Իրինա Ռուբենի Զալտիկյանի կողմից 20.03.2023թ. ներկայացված պահանջը և կից փաստաթղթերը:
4. Անուշ Բագրատի Թևոսյանի կողմից 23.05.2023թ. ներկայացված պահանջը և կից փաստաթղթերը:
5. Հրաչիկ Պավլիկի Ասատրյանի սնանկության գործով կառավարիչ Վահագն Դավթյանի կողմից 29.05.2023թ. ներկայացված պարտատերերի պահանջների նախնական ցուցակը:

4. Դատարանի իրավական վերլուծությունը, պատճառաբանությունները և եզրահանգումները

<<Սնանկության մասին>> ՀՀ օրենքի 1- ին հոդվածի համաձայն՝ սնանկության գործերի վարումն իրականացվում է Հայաստանի Հանրապետության քաղաքացիական դատավարության օրենսգրքով և սույն օրենքով սահմանված կարգով:

<<Սնանկության մասին>> Հայաստանի Հանրապետության օրենքի 46-րդ հոդվածի 6-րդ մասի համաձայն՝ պահանջների ներկայացման համար սահմանված ժամկետից հետո՝ եռօրյա ժամկետում, պահանջների նախնական ցուցակը կառավարիչը ներկայացնում է դատարան, պարտապանին, առավել մեծ պահանջներ ունեցող 5 պարտատերերին և հրապարակում է իրավաբանական անձանց պետական գրանցման մասին տվյալներ հրապարակող մամուլում: Եթե հրապարակումից հետո՝ յոթ օրվա ընթացքում, կառավարիչը, պարտապանը և պարտատերերը նախնական ցուցակի դեմ գրավոր առարկություններ չեն ներկայացնում դատարան, ապա դատավորը եռօրյա ժամկետում առանց նիստ հրավիրելու որոշում է կայացնում պահանջների ցուցակը հաստատելու մասին (վերջնական ցուցակ):

<<Սնանկության մասին>> Հայաստանի Հանրապետության օրենքի 82-րդ հոդվածի 1-ին մասի դ/ և է/ կետերի համաձայն՝ պարտատերերի չապահովված պահանջները բավարարվում են հետևյալ հերթականությամբ՝ դ) դատական ծախսերը, է) չապահովված պարտատերերի պահանջները, (...):

Ուսումնասիրելով Հրաչիկ Պավլիկի Ասատրյանի պարտատերերի պահանջների նախնական ցուցակը և դրան կից ներկայացված գրավոր ապացույցները, գտնում եմ, որ նախնական ցուցակը կառավարչի կողմից ներկայացվել է <<Սնանկության մասին>> Հայաստանի Հանրապետության օրենքի 46-րդ և 82-րդ հոդվածների դրույթներին համապատասխան: Հրաչիկ Պավլիկի Ասատրյանի պարտատերերի պահանջների նախնական ցուցակի դեմ, այն www.azdarar.am ինտերնետային կայքում տրված հայտարարության հրապարակելուց հետո, պարտապանը, պարտատերը և կառավարիչը <<Սնանկության մասին>> Հայաստանի Հանրապետության օրենքի 46-րդ հոդվածի 6-րդ մասով սահմանված ժամկետում գրավոր առարկություններ չեն ներկայացրել, ուստի պահանջների վերջնական ցուցակը ենթակա է հաստատման:

Անդրադառնալով Հրաչիկ Պավլիկի Ասատրյանի սնանկության գործով պարտատերերի առաջին ժողով նշանակելու հարցին՝ Դատարանը գալիս է հետևյալ եզրահանգմանը.

<<Սնանկության մասին>> Հայաստանի Հանրապետության օրենքի 19-րդ հոդվածի 1-ին մասի <<բ>> կետի համաձայն՝ պահանջների վերջնական ցուցակը հաստատելու մասին որոշմամբ նշանակում է պարտատերերի առաջին ժողովի անցկացման ժամանակը և վայրը:

Պարտատերերի առաջին ժողովը նշանակվում է պահանջների վերջնական ցուցակը հաստատելու մասին որոշումը կայացնելու օրվանից ոչ ուշ, քան 40 օրվա, և ոչ շուտ, քան 30 օրվա ընթացքում, ուստի դատարանը գտնում է, որ պարտատերերի առաջին ժողովը պետք է նշանակել 2023թ. հուլիսի 27-ին, ժամը 11:00-ին, ՀՀ սնանկության դատարանի վարչական շենքում /ք. Երևան, Օտյան 53/2/:

Առաջնորդվելով վերոգրյալ պատճառաբանությամբ և ղեկավարվելով <<Սնանկության մասին>> Հայաստանի Հանրապետության օրենքի 1-ին, 19-րդ, 20-րդ, 46-րդ և 82-րդ հոդվածներով և Հայաստանի Հանրապետության քաղաքացիական դատավարության օրենսգրքի 199-200-րդ հոդվածներով,

Ո Ր Ո Շ Ե Ց Ի

1. Հաստատել Հրաչիկ Պավլիկի Ասատրյանի պահանջների վերջնական ցուցակը 23.06.2023թ. դրությամբ ըստ հետևյալ առաջնահերթության և ապահովվածության.

Հ/Հ	Պարտատեր	Պարտավորության չափը	Առաջնահերթություն
1.	Նորայր Համլետի Խաչատրյան	11.333,37 ԱՄՆ դոլարին համարժեք ՀՀ դրամ	<<Սնանկության մասին>> ՀՀ օրենքի 82-րդ հոդվածի 1-ին մասի է/ հերթ չապահովված
2.	Նորայր Համլետի Խաչատրյան	200.000 ՀՀ դրամ	<<Սնանկության մասին>> ՀՀ օրենքի 82-րդ հոդվածի 1-ին մասի դ/ հերթ չապահովված
3.	Իրինա Ռուբենի Չալտիկյան	14.300.000 ՀՀ դրամ	<<Սնանկության մասին>> ՀՀ օրենքի 82-րդ հոդվածի 1-ին մասի բ/ հերթ չապահովված

2. Հրաչիկ Պավլիկի Ասատրյանի պարտատերերի առաջին ժողովը նշանակել 2023թ. հուլիսի 27-ին, ժամը 11:00-ին, ՀՀ սնանկության դատարանի վարչական շենքում /ք. Երևան, Օտյան 53/2/:

3. Հանձնարարել կառավարչին ոչ ուշ, քան սույն որոշման ուժի մեջ մտնելու պահից հինգ օրվա ընթացքում պարտատերերի առաջին ժողով նշանակելու մասին տեղեկությունները հրապարակել <http://www.azdarar.am> հասցեում գտնվող Հայաստանի Հանրապետության հրապարակային ծանուցումների պաշտոնական ինտերնետային կայքում և փակցնել դատարանի շենքում հատուկ հատկացված տեղում:

4. Կառավարչին հանձնարարել օրենքով սահմանված ժամկետում չներկայացված պահանջները <<Սնանկության մասին>> ՀՀ օրենքով սահմանված կարգով հրապարակել և գրանցել պարտատերերի պահանջների գրանցամատյանում:

Որոշումն օրինական ուժի մեջ է մտնում հրապարակման պահից և կարող է բողոքարկվել Հայաստանի Հանրապետության վերաքննիչ քաղաքացիական դատարան օրինական ուժի մեջ մտնելու պահից՝ 15-օրյա ժամկետում:

ԴԱՏԱՎՈՐ՝



ԱՐՄԵՆ ԲԱԲԱՅԱՆ